

## APREZENTASAUN NA'I NIAN

Festa ne'e selebra tiha ona iha Jerusalém, iha sékulu IV. Nia hanaran festa enkontru nian, "hypapántè", iha lia-gregu. Iha 534, festa habelar ba Constantinopla no, iha Papa Sérgio nia tempu. To'o iha Roma no iha Osidente. Iha Roma, festa inklui prosisaun ida to'o iha Bazílika S. Maria Maggiore. Iha sékulu X, hahú benze lilin sira.

José no Maria lori Kosok-Oan Jezús ba temple, hodi oferese ba Aman. Tanba oferta hotu implika renúnsia, Aprezentasaun Na'i nian mak inísiu mistériu Jezús makso'ik nia sofrimentu. Ne'ebé nia tutun mak iha Kalváriu. Maria no José sai ida de'it ho Maromka nia Oan nia oferta, ida-idak hamri'ik iha Nia sorin tuir ninia modu, iha obra Redensain nian.

### LECTIO

#### *Leitura dahuluk: Malaquias 3, 1-4*

Mensajeiru na'in rua ne'ebé profeta haklaken aprezneta malu: ida prepara Na'i ninia vinda no ida seluk realiza Aliansa, Ni amak ida ne'eb'e ema hein. Figura rua ne'e hatudu ba João Baptista no Kristu. Ida precursor de'it, ida seluk Mesias ne'ebé em ahein, orijen divina, Makso'ik. Ida uluk prepara dalan; daruak tama iha tmeplu, hodi santifika, ho oferta an rasik nian, sakrifísiu Aliansa foun nian, ministru sira no kultu.

#### *Leitura daruak: Hebreus 2, 14-18*

Isin no raan ne'ebé submeter ba mate hodi inimigu nia kbiit, Kristu, MAormak halo an ba ema diviniza no liberta tiha. Abraão nia bei-oan sira simu hikas moris. Maromak nia Oan apresenta nia an nu'udar ida ne'ebé primeiru husi maun-alin lubuk ida no nu'udar amlulik, mediadór iha ninia divindade no umanidade, Maorma nia fidelidade nian, Aman mori snian.

#### *Evanjellu: Lucas 2, 22-40*

Evanjellu Infánsia Jezús nian nia pontu aas liu mak temple, fatin pou Israel ni apenitude. Iha ne'ebá mak Zacarias rona liafuan ne'ebé dirije istória ba ninia meta (anúnsiu João nian); iha ne'ebá mak apresenta Kosok-Oan ba Maromak, hatudu ba Simeão no Ana. Husi ne'ebá mak Nia fila ba Nazaré. Iha aprezentasaun nia kotuk ita iha lei judeu sira nian ne'ebé haktuir katak oan primeiru sira mak oan sagradu, no tanba ne'e tenke apresenta ba Maromak. Aman hatán ba Jezús nia aprezentasaun no oferta ho don Espíritu nian ba katuas Simeão, ne'ebé profetiza. Israel bele deskansa: ninia istória la remata leet de'it. Simeão haree tiha ona Makso'ik no hatene katak meta agora nian mak triunfu moris nian.

### MEDITATIO

Jezús nia inan-aman, tuir lei Moisés nian, loron haatnulu depoizde oan kawaik moris, sira bá Templu Jerusalém nian atu oferese Oan Dahuluk ba Na'i no atu purifika inan. Maibé ritu ida-ne'e la hanesann loloos ho sira seluk. Iha ritu komún, aman-inan sira mak apresenta oan sira ba Maromak nu'udar sinál oferta no hola parte nian ba Maromak; iha ritu ida-ne'e Maromak mak apresenta nia Oan ba ema sira. Nia halo ida-ne'e liuhusi katuas Simeão no fetu-duina Ana

niaibun. Simeão apresenta Nia ba mundu nu'udar salvasaun ba povu hotu, roman ne'ebé leno ema sira, maibé mós nu'udar sinál kontradisaun nian; nu'udar Ida-ne'ebé sei hatudu sai fuan sira nia hanoin.

Jezús nia enkontru ho Simeão no Ana iha Templu Jerusalém nian mak símbolu realidade ida boot liu no iniversál: umanidade hasoru nia Na'I iha Igreja. Malaquias hateten sai molok kona-ba enkontru ida-ne'e: «Ha'u sei haruka ha'u-nia Manu-ain, atu nia prepara dalan iha ha'u-nia oin. No Na'i ne'ebé imi buka sei tama kedas iha Santuáriu». Iha Templu, Simeão rekoñese Jezús nu'udar Messias ne'ebé ema hein no haklaken Nia nu'udar makso'ik no roman mundu nian. Ema nia destinu oras ne'e depende ba ninia atitude iha Na'I nia oin; Jezús sei sai ruína ka salvasaun. Hanesan João Baptista dehan: Iha nia liman nia iha tudik atu haketak trigu di'ak husi duut (kf. Mt 3, 12).

Ida-ne'e mak akontese mós ohin: iha temple foun Maromak nian, katak Igreja, ema sira «hasoru» Kristu, aprende atu koñese Nia, simu Nia iha Eukaristia, hanesan Simeão simu iha nia liman sira; ninia liafuan sai ba sira, roman no ninia isin forsa no aihan. Ne'e mak esperiénsia ne'ebé ita halo, bainhira ita bá Missa. Komuñau mak enkontru loloos entre Maromak no ita, Ohin, esperiénsia ida-ne'e sai forte ho simbolizmu festa nian: prosisaun ne'ebé halo ita tama iha igreja ho amlulik, hodi lori lilin ne'ebé lakan no hodi hananu, mak sinál la'o ba hasoru Jezús ne'ebé bolu ita iha igreja nia laran, iha esperansa atu ita bá hasoru Nia loron ida iha 'Hypapante' eterno, bainhira Nia sei apresenta ita ba Aman.

'Candelária' mak festa roman nian. Roman fiar nian la hariak mai ita atu leno de'it ita-nia dalan, hodi la interese ema seluk... Roman fiar nian la'ós atu halakan de'it iha igreja sira, ka iha momentu ruma de'it, maibé iha momentu no situasaun hotu ita-nia moris nian... Ita-nia fiar tenke sai roman ne'ebéleno, ahi ne'ebé hamanas... Ema ne'ebé komprende no di'ak ba ema seluk nia sai roman no ahi... ema ne'ebé hatene apoia esforsu ki'ik sira... progresu ki'ik sira... ema ne'ebé iha liafuan amizade nian, estímulo nian, apoiu nian,, ne'eb'e hatene dehan liafuan di'ak ida, fó tulun ida... Domin sarani ninia orijen mak Maromak ne'ebé hadomi ita no haruka mai ita nia Oan ne'ebé ita hasoru iha momentu oioin ita-nia moris nian, ho modu partikulár bainhira ita celebra Eukaristia. Ida-ne'e mak ita-nia enkontru, bainhira hein daudaun enkontru definitivu iha Lalehan.